

Prueba di ortografia, parti 1

Den e siguiente trabou, kada tarea ta konsistí di kuater frase.
Kada bes e pregunta ta: Den kua frase e palabra suprayá no ta bon skirbí?

Tarea 1

- A Bayena ta un mamífero i hende tambe.
- B Bo no ta topa masha kolebra di mespel.
- C Percy ta plak su fli ku e lèim blanku.
- D Por usa lamunchi pa traha hopi kos.

Tarea 2

- A Den februwari ta bon pa subi fli.
- B E dianan ei sa tin masha bientu.
- C Mester wak sí pa no daña waya di koriente.
- D Por pasa ku henter bario ta keda sin lus.

Tarea 3

- A Gibi a fria tur bibida kaba den un djùk grandi.
- B Mi ruman mayó ta kore stazje na un ofisina.
- C Nan a haña hopi opheto di e epoka di indjan.
- D Stadion a yena kompleto pa e wegá di futbòl.

Tarea 4

- A Awe nos a mira e pelea riba pantaya grandi.
- B Otro luna Alice ta hasi tres aña den servisio.
- C Pa un mucha krese salu, e mester kome bon.
- D Un sumpiña di e palu di wabi a hinka mi duru.

Tarea 5

- A Angelique tin hopi doló di diente awe.
- B Den área di laman sa tin hopi wimpiri.
- C Mio su pikòp di trabou ta usa disel.
- D Nathaniel por flùit henter e kantika.

Tarea 6

- A Hindú ta selebrá Fiesta di Suku.
- B Julissa a yama su kachó machu Bòbi.
- C Mayoria di venesolano ta biba na kapital.
- D Seru brandaris ta keda na Boneiru.

Tarea 7

- A Den selva tropikal Amazona bo por haña piraña.
- B Nan ta piská karnivoro ku por bira basta agresivo.
- C Un okapi ta un animal ku su patanan so ta strepia.
- D Ziraf ta su famia pero su garganta ta mas largu.

Tarea 8

- A Den geografia nos a siña e kapitalnan di mundu.
- B Jurison tin suèltu ku el a gana e promé premio.
- C Na botika nan ta bende kolonia pa mucha chikí.
- D Un bola di ijskrim di koko ta baha bon aworakí.

Tarea 9

- A E nitmachin ei no ta traha bon mas.
- B Heidi tin hopi doló di kabes i kalafriu.
- C Tur hende tin mes derechi den nos sosiedat.
- D Walter su kabai maron a zuip mi ku su rabu.

Tarea 10

- A Bradley ta gusta hunga pinpon.
- B E pia di oochi gusta sambuyá.
- C Nan primu ta hunga tènis.
- D Tur e rumannan gusta deporte.

Prueba di vokabulario, parti 1

Den e siguiente tarea, e pregunta ta: Kua ta un otro palabra pa ...?
Ta trata aki di e palabra suprayá.

Tarea 11

Kua ta un otro palabra pa seremonia?

- A charla
- B drama
- C kanto
- D rito

Tarea 12

Kua ta un otro palabra pa don?

- A bendishon
- B reflekshon
- C sabiduria
- D talento

Tarea 13

Kua ta un otro palabra pa kombidá?

- A invitá
- B kompartí
- C presentá
- D risibí

Tarea 14

Kua ta un otro palabra pa kuèrdè?

- A drachi
- B hilu
- C liña
- D snar

Tarea 15

Kua ta un otro palabra pa kultivá?

- A fia
- B kria
- C pidi
- D spar

Tarea 16

Kua ta un otro palabra pa eksótiko?

- 1 promé
- 2 straño

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Tarea 17

Kua ta un otro palabra pa entrenadó?

- 1 instruktor
- 2 deportista

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Tarea 18

Kua ta un otro palabra pa miéntas?

- 1 durante
- 2 tanten

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Tarea 19

Kua ta un otro palabra pa visibel?

- 1 bèrdat
- 2 kla

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Tarea 20

Kua ta un otro palabra pa menshoná?

- 1 ninga
- 2 nombra

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Den e siguiente tarea, e pregunta ta: Kua grupo di palabra ta kuadra mihó ku ...? Ta trata aki di e palabra suprayá.

Tarea 21

Kua grupo di palabra ta kuadra mihó ku trankilidat? Ora tin ...

- A alegria i muzik
- B korementu i gritamentu
- C miedu i pánico
- D silencio i poko moveshon

Tarea 22

Kua grupo di palabra ta kuadra mihó ku kalkulashon?

- A duna un definishon
- B e suma korekto
- C mas o ménos un idea
- D registrá sifra

Den e siguiente tarea, bo tin ku kaba e frase pa duna nifikashon di e palabra.
Ta trata aki di e palabra suprayá.

Tarea 23

Un apikultor ta un hende ku ta kria ...

- A abeha.
- B dòlfein.
- C kachó.
- D prikichi.

Tarea 24

Un asistente botikario ta un hende ku ta yuda ...

- A hende grandi.
- B kuida mata.
- C mucha malu.
- D traha remedi.

Den e siguiente tarea, e pregunta ta: Kiko ta un ...?
Ta trata aki di e palabra suprayá.

Tarea 25

Kiko ta un meuchi? Un ...

- A anfibio
- B insekto
- C para
- D rèptil

Tarea 26

Kiko ta un laboratorio? Un lugá kaminda ta ...

- A analisá sanger.
- B laga traha brel.
- C operá hende.
- D trata bestia malu.

**Den e siguiente tarea, e pregunta ta: Kiko ta nifiká ...?
Ta trata aki di e palabra suprayá.**

Tarea 27

Kiko ta nifiká peilu?

- A fiha
- B kis
- C tèr
- D warda

Tarea 28

Kiko ta nifiká dediká?

- A kita trabou for di otro
- B soportá ku pasenshi
- C tuma tempu pa hasi algu
- D yama danki pa un fabor

Lesu e teksto aki bou i kontestá e preguntanan

Sapatu ku suela di kueru

1 Hopi tempu pasá, tabatin un pueblo ku Rei Carlos na kabes. Rei Carlos tabata stima
2 su pueblo i e tabata sòru pa nan tin trabou i ta bon pagá. E hendenan di e reino ei
3 tabata biba felis i den abundansia.

4 Den e tempu ei, no tabatin outo. Hende por a biaha riba kabai òf buriku. Esnan ku
5 tabata por, tabata biaha den garoshi halá pa kabai òf buriku.

6 Un biaha, Rei Carlos a bai bishitá e lugánan di importansia históriko i religioso den
7 su reino. Maske ku e lugánan tabata keda leu for di otro, Rei Carlos a disidí di bai na
8 pia tòg pa e probechá kòmbersá ku e hendenan di su pueblo. Tur hende ku a topa
9 ku Rei Carlos tabata kontentu di konos'é, i di papia kuné. Nan tabata orguyoso di tin
10 un rei ku asina un bon kurason.

11 Despues di biaha vários siman, Rei Carlos a yega bèk na su palasio. E tabata basta
12 satisfecho: e lugánan di importansia tabata bon kuidá. Ademas, el a mira ku su
13 pueblo tabata biba bon i felis. Un kos so tabata molestiá Rei Carlos. Tabata promé
14 biaha ku el a hasi un biahe asina largu na pia. E tempu ei, tur hende tabata mara un
15 pida kueru fini rònt di nan pia. Rei Carlos a keda ku hopi doló di pia despues di e
16 biahe akí. El a keha serka e ministernan ku e kamindanan tabata den mal estado,
17 yen di piedra ku ta bora hende su planta di pia. Rei Carlos no tabata por a soportá e
18 doló di pia ku el a keda kuné despues di su biahe. 'Mi pueblo mester kana tur dia
19 riba e kamindanan ei. No por. Ta inhumano!' e rei a bisa. Despues di papia ku e
20 ministernan, Rei Carlos a duna òrdu pa tapa tur kaminda i kaya ku kueru. Asina e
21 hendenan lo por kana sin problema riba e superfisie suave ei.
22 E ministernan a keda sorprendí ora nan a tende Rei su òrdu. Esaki lo nifiká ku lo
23 mester mata míles di baka, pa nan por tin e kantidat suficiente di kueru. Bon pensá,
24 e idea ei lo kosta masha hopi sèn.

25 Finalmente, un inventor sabí a bini ku un otro idea pa Rei Carlos. E inventor di: 'Na
26 lugá di kubri e kamindanan ku kueru, no ta mihó si kòrta un pida kueru diki i duru, na
27 midí di kada hende su pia? E lo bira e suela ku nos ta kana riba dje. I komo ku e ta
28 diki i duru, e ta protehé e planta di pia kontra e piedranan skèrpi. Ku kueru mas fini i
29 moli ta tapa sobrá di e pia.' Pa e rei por komprondé mihó kiko e ke men, e inventor a
30 traha un par di sapatu. Rei Carlos a gusta e idea mashá i el a duna òrdu pa tur
31 hende den su reino bisti nan tambe.



Tarea 29

Lesá: 'Hopi tempu ... òf buriku.' (liña 1 te ku 5)

Kon bin e pueblo di Rei Carlos tabata biba den abundansia? Pasobra nan ...

- A tabata biba den un reino ku hopi bestia.
- B tabata kore den garoshi halá pa kabai.
- C tabatin hopi amor di nan Rei Carlos.
- D tabatin hopi trabou ku ta paga bon.

Tarea 30

Lesá: 'Un biaha ... bon kurason.' (liña 6 te ku 10)

Kua di e dos ponensianan ta korekto?

- I Komo ku nan ta keda serka, Rei Carlos a disidí di bai bishitá e lugánan históriko.
- II E pueblo di Rei Carlos tabata sinti apresio p'e, pasobra e tabata trata nan bon.

- A Ponensia I so ta korekto.
- B Ponensia II so ta korekto.
- C Ponensia I i II ta korekto.
- D Ponensia I i II ta inkorekto.

Tarea 31

Lesá: 'Despues di ... di pia.' (liña 11 te ku 17)

Kiko tabata molestiá Rei Carlos? Ku e ...

- A biahe tabata muchu largu pa hasi na pia
- B kamindanan malu a hasi su pianan doló
- C lugánan di importansia tabata deskuidá
- D pueblo ta usa un pida kueru rònt di nan pia

Tarea 32

Lesá: 'E tempu ... a bisa.' (liña 14 te ku 19)

Kiko ta inhumano? Ku e ...

- A pueblo mester kana tur dia riba kaminda malu
- B pueblo ta usa djis un repi di kueru pa protehé pia
- C rei ta sigui keha di e kamindanan den mal estado
- D rei su doló di pia ta durando kaba vários siman

Paga tinu: Aki bou a bolbe pone e teksto anterior. No mester bòltu e blachi bèk pa lesa e teksto. Bo mester kontestá e preguntanan ku ta sigui.

Sapatu ku suela di kueru

1 Hopi tempu pasá, tabatin un pueblo ku Rei Carlos na kabes. Rei Carlos tabata stima
2 su pueblo i e tabata sòru pa nan tin trabou i ta bon pagá. E hendenan di e reino ei
3 tabata biba felis i den abundansia.

4 Den e tempu ei, no tabatin outo. Hende por a biaha riba kabai òf buriku. Esnan ku
5 tabata por, tabata biaha den garoshi halá pa kabai òf buriku.

6 Un biaha, Rei Carlos a bai bishitá e lugánan di importansia históriko i religioso den
7 su reino. Maske ku e lugánan tabata keda leu for di otro, Rei Carlos a disidí di bai na
8 pia tòg pa e probechá kòmbersá ku e hendenan di su pueblo. Tur hende ku a topa
9 ku Rei Carlos tabata kontentu di konos'é, i di papia kuné. Nan tabata orguyoso di tin
10 un rei ku asina un bon kurason.

11 Despues di biaha vários siman, Rei Carlos a yega bèk na su palasio. E tabata basta
12 satisfecho: e lugánan di importansia tabata bon kuidá. Ademas, el a mira ku su
13 pueblo tabata biba bon i felis. Un kos so tabata molestiá Rei Carlos. Tabata promé
14 biaha ku el a hasi un biahe asina largu na pia. E tempu ei, tur hende tabata mara un
15 pida kueru fini rònt di nan pia. Rei Carlos a keda ku hopi doló di pia despues di e
16 biahe akí. El a keha serka e ministernan ku e kamindanan tabata den mal estado,
17 yen di piedra ku ta bora hende su planta di pia. Rei Carlos no tabata por a soportá e
18 doló di pia ku el a keda kuné despues di su biahe. 'Mi pueblo mester kana tur dia
19 riba e kamindanan ei. No por. Ta inhumano!' e rei a bisa. Despues di papia ku e
20 ministernan, Rei Carlos a duna òrdu pa tapa tur kaminda i kaya ku kueru. Asina e
21 hendenan lo por kana sin problema riba e superfisie suave ei.
22 E ministernan a keda sorprendí ora nan a tende Rei su òrdu. Esaki lo nifiká ku lo
23 mester mata míles di baka, pa nan por tin e kantidat sufisiente di kueru. Bon pensá,
24 e idea ei lo kosta masha hopi sèn.

25 Finalmente, un inventor sabí a bini ku un otro idea pa Rei Carlos. E inventor di: 'Na
26 lugá di kubri e kamindanan ku kueru, no ta mihó si kòrta un pida kueru diki i duru, na
27 midí di kada hende su pia? E lo bira e suela ku nos ta kana riba dje. I komo ku e ta
28 diki i duru, e ta protehé e planta di pia kontra e piedranan skèrpi. Ku kueru mas fini i
29 moli ta tapa sobrá di e pia.' Pa e rei por komprondé mihó kiko e ke men, e inventor a
30 traha un par di sapatu. Rei Carlos a gusta e idea mashá i el a duna òrdu pa tur
31 hende den su reino bisti nan tambe.



Tarea 33

Lesá: 'Rei Carlos ... hopi sèn.' (liña 15 te ku 24)

Na ken òf kiko 'Esaki' den liña 22 ta referí? Na ...

- A despues di papia ku e ministernan
- B hendenan lo por kana sin problema
- C e doló di pia ku el a keda kuné
- D tapa tur kaminda i kaya ku kueru

Tarea 34

Lesá: 'E ministernan ... hopi sèn.' (liña 22 te ku 24)

Kua di e dos ponensianan ta korekto?

- I E ministernan a keda hopi straño ora nan a tende kiko nan mester a hasi.
 - II Pa tapa e kayanan ku kueru ta muchu karu, pasobra mester sakrifiká hopi baka.
- A Ponensia I so ta korekto.
 - B Ponensia II so ta korekto.
 - C Ponensia I i II ta korekto.
 - D Ponensia I i II ta inkorekto.

Tarea 35

Lesá: 'Finalmente, un ... nan tambe.' (liña 25 te ku 31)

Segun e kuenta, kua di e siguiente frasenan ta deskribí e sapatu ku suela mihó?

- A kueru diki i duru komo suela i kueru diki i moli pa tapa e pia sobrá
- B pa tapa sobrá di pia kueru duru i fini i kueru moli i diki pa e suela
- C rònt di e pia ta pone kueru fini i moli i kueru duru i fini pa e suela
- D suela di kueru diki i duru ku kueru fini i moli pa tapa sobrá di pia

Lesá e teksto aki bou i kontestá e preguntanan

Yabú i e leon

1 Yabú ta sinti su mes orguyoso. Su tata ta konfi'é ku mas di bintisinku baka. Yabú ta
2 protehá e bestianan ora nan bai kome yerba den kunuku. Pa chikí ku e ta, Yabú ta
3 hasi su trabou bon.

4 Un mainta, sintá riba un seritu, Yabú ta wak e bakanan kome yerba. Su amigu Sipo
5 ta kore yega gritando: 'Bo a tende e notisia? A mira Bubesi, e leon, ta rondia aki
6 banda. Ayera anochi el a mata un baka.' E notisia no tabata un sorpresa pa Yabú. El
7 a mira marka di pata di leon tur kaminda. Komo ku e sa ku leon ta yag anochi só, e
8 no a preokupá. Sipo ta bis'é tambe ku algun hòmber di nan pueblo ta pone trampa
9 tur kaminda pa kohe Bubesi.

10 Promé ku e bai kas atardi, Yabú ta hiba su animalnan riu pa nan bebe awa.
11 Diripiente, Yabú ta fris, i e animalnan tambe. Nan ta tende un leon gruña djis serka
12 di nan. 'Ta Bubesi? Nos no ta haña chèns di hui! E ta muchu serka,' e ta pensa
13 nèrvioso. Yabú ta tuma kurashi, i e ta kuminsá kana. Manera kustumber, e bakanan
14 ta sigui su tras.

15 Yabú ta bolbe tende rrrraah.. ahhr, rrr ... aa ... ahhhh. E manera ku e leon ta
16 gruña, ta bisa Yabú ku algu no ta kuadra. 'Dikon Bubesi no ta ataká? E mester ta
17 den problema antó,' e ta pensa. Ku un pida palu na man, kla pa ataká, e ta move
18 poko poko den direkshon di e zonido. Algun meter for di e riu, e ta topa Bubesi ku su
19 kabes pegá den un trampa.

20 'Hei mucha, yuda mi sali for di e trampa akí.' Yabú ta wak e sorprendí i ta bisa: 'Abo
21 ta pidi ami e kos ei? Manera bo ta liber, bo ta kome mi sigur!'
22 'Nò, amigu. Mi ta primintí ku lo mi no kome esun ku skapa mi bida,' Bubesi ta
23 kontestá. Ku kuidou i deskonfiá, Yabú ta lòs Bubesi, i e ta kore bai bèk serka su
24 trupa di animal.

25 Bubesi ta move den direkshon kontrali i ta bebe awa na riu. Ora el a kaba, e ta
26 studia Yabú i ta bisa: 'Hmmm ... bo ta un dushi pida karni.' Yabú ta mustra kurashi,
27 i e ta rekordá Bubesi kiko el a primintí. 'Bèrdat,' Bubesi ta kontestá. 'Pero mi tin
28 hamber, i mi no ta haña ku mi mester kumpli ku mi promesa.' Yabú ta drai rònt,
29 buskando yudansa. E ta mira un buriku pasa, i e ta par'é pa puntr'é si Bubesi
30 mester kumpli ku su palabra. E buriku ta kontestá: 'Hende semper a suta mi pa
31 obligá mi karga kos pisá. Ami tin rabia riba hende! Bubesi, kome e mucha ei numa!'
32 Nèt na momento ku Bubesi ta kana bai riba Yabú, un chakal ta kana pasa. Chakal ta
33 un animal paresido na un zoro i mes astuto tambe. E chakal ta para skucha Yabú su
34 problema. E ta reakshoná sorprendí: 'Bubesi su kabes tabata pegá den e trampa ei?
35 Bubesi su kabes ta muchu grandí pa e pas eiden! Mi ke mira e kos akí ku mi mes
36 wowo.' Bubesi, ku ke pa e chakal bai pa kaba, ta hinka su kabes den e trampa. E ta
37 demostrá e chakal ku su kabes sí ta pas den e trampa. Mesora e chakal ta klap e
38 trampa sera, ku Bubesi su kabes pegá aden.

39 Yabú ta yama e chakal danki, yama e bakanan huntú,
40 i kana bai kas. Tras di su lomba, e ta tende Bubesi ta gruña
41 di rabia.



Tarea 36

Lesá: 'Yabú ta ... *trabou bon*.' (liña 1 te ku 3)

Dikon Yabú ta orguyoso? pasobra ...

- A aunke e ta mucha, e ta kuida e kabritunan bon
- B e ta yòn, pero e tin un responsabilidat grandi
- C su tata ta stim'è i a dun'é tur su bestianan
- D Yabú sa unda hiba e bestianan bai kome

Tarea 37

Lesá: 'Un mainta ... *kohe Bubesi*.' (liña 4 te ku 9)

Kua di e ponensianan ta korekto?

- I Ayera a mira Yabú sintá riba un serú ta wak Bubesi.
- II Tur hòMBER di nan pueblo ta pone trampa pa fangu e leon.

- A Ponensia I so ta korekto.
- B Ponensia II so ta korekto.
- C Ponensia I i II ta korekto.
- D Ponensia I i II ta inkorekto.

Tarea 38

Lesá: 'Algun meter ... *trampa akí*.' (liña 18 te ku 20)

Ken ta na palabra den e frase: 'Hei mucha ...'?

- A Bubesi
- B E kontadó di kuenta
- C Un mucha
- D Yabú

Tarea 39

Lesá: 'Nò, *amigu* ... a primintí.' (liña 22 te ku 27)

Na ken òf kiko e palabra bo den liña 26 ta referí?

- A amigu
- B Bubesi
- C trupa di animal
- D Yabú

Paga tinu: Aki bou a bolbe pone e teksto anterior. No mester bòltu e blachi bèk pa lesa e teksto. Bo mester kontestá e preguntanan ku ta sigui.

Yabú i e leon

1 Yabú ta sinti su mes orguyoso. Su tata ta konfi'é ku mas di bintisinku baka. Yabú ta
2 protehá e bestianan ora nan bai kome yerba den kunuku. Pa chikí ku e ta, Yabú ta
3 hasi su trabou bon.

4 Un mainta, sintá riba un seritu, Yabú ta wak e bakanan kome yerba. Su amigu Sipo
5 ta kore yega gritando: 'Bo a tende e noticia? A mira Bubesi, e leon, ta rondia aki
6 banda. Ayera anochi el a mata un baka.' E noticia no tabata un sorpresa pa Yabú. El
7 a mira marka di pata di leon tur kaminda. Komo ku e sa ku leon ta yag anochi só, e
8 no a preokupá. Sipo ta bis'é tambe ku algun hònber di nan pueblo ta pone trampa
9 tur kaminda pa kohe Bubesi.

10 Promé ku e bai kas atardi, Yabú ta hiba su animalnan riu pa nan bebe awa.
11 Diripiente, Yabú ta fris, i e animalnan tambe. Nan ta tende un leon gruña djis serka
12 di nan. 'Ta Bubesi? Nos no ta haña chèns di hui! E ta muchu serka,' e ta pensa
13 nèrvioso. Yabú ta tuma kurashi, i e ta kuminsá kana. Manera kustumber, e bakanan
14 ta sigui su tras.

15 Yabú ta bolbe tende rrrraah.. ahhr, rrr ... aa ... ahhhh. E manera ku e leon ta
16 gruña, ta bisa Yabú ku algu no ta kuadra. 'Dikon Bubesi no ta ataká? E mester ta
17 den problema antó,' e ta pensa. Ku un pida palu na man, kla pa ataká, e ta move
18 poko poko den direkshon di e zonido. Algun meter for di e riu, e ta topa Bubesi ku su
19 kabes pegá den un trampa.

20 'Hei mucha, yuda mi sali for di e trampa akí.' Yabú ta wak e sorprendí i ta bisa: 'Abo
21 ta pidi ami e kos ei? Manera bo ta liber, bo ta kome mi sigur!'

22 'Nò, amigu. Mi ta primintí ku lo mi no kome esun ku skapa mi bida,' Bubesi ta
23 kontestá. Ku kuidou i deskonfiá, Yabú ta lòs Bubesi, i e ta kore bai bèk serka su
24 trupa di animal.

25 Bubesi ta move den direkshon kontrali i ta bebe awa na riu. Ora el a kaba, e ta
26 studia Yabú i ta bisa: 'Hmmm ... bo ta un dushi pida karni.' Yabú ta mustra kurashi,
27 i e ta rekordá Bubesi kiko el a primintí. 'Bèrdat,' Bubesi ta kontestá. 'Pero mi tin
28 hamber, i mi no ta haña ku mi mester kumpli ku mi promesa.' Yabú ta drai rònt,
29 buskando yudansa. E ta mira un buriku pasa, i e ta par'é pa puntr'é si Bubesi
30 mester kumpli ku su palabra. E buriku ta kontestá: 'Hende semper a suta mi pa
31 obligá mi karga kos pisá. Ami tin rabia riba hende! Bubesi, kome e mucha ei numal!'
32 Nèt na momento ku Bubesi ta kana bai riba Yabú, un chakal ta kana pasa. Chakal ta
33 un animal paresido na un zoro i mes astuto tambe. E chakal ta para skucha Yabú su
34 problema. E ta reakshoná sorprendí: 'Bubesi su kabes tabata pegá den e trampa ei?
35 Bubesi su kabes ta muchu grandi pa e pas eiden! Mi ke mira e kos akí ku mi mes
36 wowo.' Bubesi, ku ke pa e chakal bai pa kaba, ta hinka su kabes den e trampa. E ta
37 demostrá e chakal ku su kabes sí ta pas den e trampa. Mesora e chakal ta klap e
38 trampa sera, ku Bubesi su kabes pegá aden.

39 Yabú ta yama e chakal danki, yama e bakanan huntú,
40 i kana bai kas. Tras di su lomba, e ta tende Bubesi ta gruña
41 di rabia.



Tarea 40

Lesá: 'Bubesi ta ... ei numa!' (líña 25 te ku 31)

Kiko ta Yabú su problema? Ku...

- A Bubesi ta move den direkshon kontrali.
- B Bubesi tin hamber, i Yabú no tin nada p'e.
- C e buriku no ke karga kos pisá mas.
- D e leon no ke kumpli ku su promesa.

Tarea 41

Ki sorto di teksto esaki ta? Teksto ...

- A di informashon
- B di propaganda
- C pa duna instrukshon
- D pa entretené

Tarea 42

Ken ta e antagonista den e teksto? E...

- A buriku
- B chakal
- C leon
- D mucha



Lesá e teksto kompletu promé, despues skohe i yena e kontesta ku ta kuadra mihó na e lugá habrí.

Limonada

Limonada!..., dushi?

Un glas di limonada friu ku hopi eis, prinsipalmente ora ta hasi kalor, semper ta baha bon. Antes tabata bebe limonada ora tabatin bishita so, òf tabata us'é komo un trit. Pero mas i mas hende a tuma e mal 1 di bebe limonada tur dia. Pasobra nan ta hañ'é mas dushi ku awa. Pero kiko ta hasi limonada asina gustá? E kontesta ta simpel, e ta sut, i ta loke hopi hende gusta. Generalmente, mucha ta gusta produkto ku hopi suku. Limonada ta un di e produktonan di mas bendí. Pero e ta bon pa bebe tur dia? E ta dushi, pero e ta salú tambe? Limonada no ta bon pa nos kurpa. E ta hasi bo gordo, pasobra e tin hopi suku. I suku ta konosí ku e por kousa 2 i nivel di suku haltu. Suku por afektá preshon di sanger. I nos higrá ta kambia e suku den nos kurpa den vèt. Limonada tin mas efekto negativo riba nos kurpa. Un persona ku bebe un bòter òf bleki di limonada pa dia, ta oumentá e riesgo di haña malesa di kurason òf di pulmon. E por pone ku nos serebro no ta traha bon, i por haña problema di 3. E áside den limonada ta kita e brio di nos djentenan, i e ta oumentá riesgo di plak dental. Sierto limonada ta kontené kafeina. Esaki por stroba bo di drumi. Nos por haña tambe un barika grandi i problema ku gas. Esaki ta konta pa tur sorto di limonada, ke men esun di dieta



tambe. Pues, nos por bisa ku belementu di limonada tur dia, tin hopi riesgo pa bo salú. Limonada! Bo ta hañ'é dushi ainda? No ta mihó skohe pa awa ku sabor òf djus di fruta fresku?

Tarea 43

Kua palabra ta kuadra mihó na number **1**?

- A kustumber
- B manera
- C pensamentu
- D sistema

Tarea 44

Kua palabra òf grupo di palabra ta kuadra mihó na number **2**?

- A doló di barika
- B grawatashi
- C kaida di kabei
- D obesidat

Tarea 45

Kua grupo di palabra ta kuadra mihó na number **3**?

- A barika grandi
- B djente dañá
- C halamentu di rosea
- D memoria i siñamentu